


www.BibleForChildren.org


Mateu 26



Romhuri
misi da'ãma
si'utõrĩ parip si,
te za dato hã
dasiwi 'manharĩ ni,
Pascowa na dato nhisi
hã. Tawamhã Zezusi hã
te apã mo, Betãnha u.
Tame Lazaru hã te 're
sãmra, ab're hawi Zezusi te te
ihãiwa'udu hã. Tawamhã Maria hã
ma tô we ti'ã, wedewa'u isadaze hã. Nadu
na wedewa'u nhisi hã. Ta hã iwa'ãbã wawẽ.




Zezusihi zô te we ti'â,
te te ãma para u'ré wa,
tãma rowê da. Tawamhã
te te ãma para u'ré pari
wamhã, ma tô para u'õ,
tizéré na. Sadazei pire wa,
ma tô 'ri 're zadaze sina.



Tawamhã Zuda Icarioti hã te mo, sasedoti ipire norĩ u.
Aibã 12 na Zezusihi siré 're inomro mono norĩ siré 're
imorĩ, Zuda hã. Zezusihi ãma te
te tãma ãma roti za'ra da, te
itẽme timorĩ za'ra, te te
tãma ãma rowairébé za'ra
da, Zezusi za te te tãma
ihãiba nhomri za'ra
zém na hã.



Tawamhã Zudaha mreme te te wapari za'ra wamhã,
tãma rowẽ uptabi za'ra di. Tahawa, ma tô
rob'uiprazém na tãma ropisutu
za'ra, te te tãma wa'âbâ za'ra
da. Tawamhã Zuda hã te
oto sima rosa'rata, nimahã
bâtâ na te te dama ihâiba
nhomri da hã.



Tawamhã isiré 're inomro mono
norĩ hã ma tô ãma uwaimrami
za'ra, te te tãma iwaihu'u za'ra
zéb zarina. Tinhipi ma tô 'manharĩ
za'ra, Pascowa na dato nhisizém na
dasazé hã. Tawamhã saihuri ré, ma
tô i'u'ẽne hã ti'â, Zezusi hã. 'Re
ihâimana u'âsi mono ãma te iré ãma
tiwata, sõpru wa. Taha pari,
ma tô te te wẽ'ẽ,
i'u'ẽne hã. Te
te wẽ'ẽi mono
parimhã, ma tô te
te tãma sõmri, tisiré
're inomro mono norĩ ma.



Ãne te oto tãma nharĩ za'ra: — Ã,
i'u'ẽne hã huri aba. Ã hã ãhãiba te
wasu'u. Taha pari, hãsizé hã ma
duré ti'â, uwa 'rãĩ wa'u isé ré hã. 'Re
ihãimana u'âsi mono ãma te duré
tiwata, sôpru wa. Taha pari, ma tô iré
te te tãma sômri, uwa 'rãĩ wa'u isé ré
hã. Ãne te duré tãma nharĩ za'ra:

— Ã, rob'rãĩ
wa'u hã âhuri
aba, aihĩni. Ã
hã ãwapru, te
wasu'u.



Rob'rãi wa'u za'wari ne, te za
ĩwapru hã ãwi asa'wa, da'ahã zada
ĩdã'ã wamhã, 'Re ihãimana u'ãsi
mono hã dawasédé hã te te oto 're
ab'madã'ã tã mono da, da'ãma.
Ã hã ãwapru, ãwi sisa'wari wamhã,
'Re ihãimana u'ãsi mono hã
tinhib'a'uwẽ ma, te te tãma
iropisutuzé hã tã sena za
te te tãma ãma
're i'uwaimrami
mono zé, te
wasu'u.



Tawamhã Zezusi hã te Pedruhu ma tinha, ãne:
— Sima, ãwaparĩ pese. Satanasi hã ma tã 'Re ihãimana
u'ãsi mono wi aiwaptẽrẽ za'ra wa'wa, tã sena ãzazei
uptabi 'wa zã, te te aipibu za'ra wa'aba da. Trigu hã i'rã
uptabi zã, da te 're i'upõrĩ za'ra mono ne, te za te te 're
aipibu za'ra wa'wa, ãzazei uptabi 'wa zã. Sima, tane
nherẽ, ãmama wi,
wa tã te 're
rowaptẽrẽ
aima, te te 're
aipawaptob u'ãsi
mono da, ããma
're aimorĩ u'ãsi
da.



Apâ itēme aipi'rai wapsi, te za asisānawã norĩ hã 're ipawaptob za'ra mo, hâimana nhiptete na 're nomro mono da. Tawamhã Pedru hã te asa tãma tinha, ãne: — Apito, wa tō isima wẽ, asiré da te ãnherẽ da, duré idâ'â da, aime. Tahawa, te Zezusi hã asa tãma tinha, ãne: — Pedru, ãwapari pese. ãzadawa para õ nherẽ, ã bātã na si'a hãrã õ ré, te za si'ubdatõ dawi ãudã, aima ãza'rese õ na.




Tawamhã Zezusihi me, ma
tô ai'aba're oto, Zésemani
na rob're nhisi u. Duré
tamomo oto sihutu
wamhã, ma tô tãma
nharĩ za'ra, tisiré 're
inomro mono norĩ ma,
ãne: — ãme ãzô asimroi
wa'aba. Õwa wa za a'â mo
asiti za'ra wa'aba,
romnhiwasi Ìmama ma,
ìmreme da.




Ãne ma t Timama wi
rowapt: — Īmama, ubur
marĩ hã aima waihu'u
pese di. Tahawa,
ma'ãp robzpada hã
ĩma ba'a za, te robzpata
za't t da. Tane nher,
ãne aima ĩsiwasu'uzb
uwaibaba, te ĩsina
uwaimrami da, wa hã te
ĩsima iwzm na ĩma pisutu
 di za. A hã ĩma iwzb
uwaibaba si, te ĩsina
uwaimrami da, te za
ĩma ipisu.



Tahawa te te oto sô danhimro, tamomo. Da'wapéi'wa
norĩ hã te sô te te simro, ahâ na. Zerusalẽ ãma 'Re
ihâimana u'âsi mono nhorõwa 'ri 'madâ'â'wa
norĩ zama te sô te te simro, sasedoti ipire
norĩ zadawa para, duré farizeu norĩ
zadawa para. Tawamhã
rob'uiwẽzéb ré, te sô
ai'aba'ré ni, duré 'rãsitõ ré
zama. Danhiwãi ré zama te
duré sô ai'aba'ré ni, sib'ézé
'wapa ré zama.



Tahawa, Zezusihi siré hã ma te ni'wa hã misi da'mai'u'a, sib'ézé 'wapa na. ãhã wamhã, sasedoti ipire uptabi ma romhuri'wa hã ma te po're nhizâri pese ni, ipo're nhimire niwĩ. Tawamhã ma tô Zezusi hã tãma tinha, ãne: — Tô'ã. Tane hã 'manharĩ tã. Tawamhã ma tô po're upi, tinhib'rata na. Tahawa, ma tô tipo're wẽ apã.




Tawamhã ma tô oto siwi ti'â, Zezusi hã. Te te siwi âri wamhã, ma tô siwi saprõ, sasedoti tisiré norĩ nhipai u ipire uptabi nhorõwa u. Pedru hã te romhã na te te dapibu. 'Ri 'wawi wa'ra 're, da te dasima ipré za'ra u, ma wi, Pedru hã. Tame te nhamra Pedru hã, uzâ, da te dasiwi i'uirĩ norĩ 'rata.



Tawamhã aibã te
duré sadanha Pedru
hã, sasedoti tisiré norĩ
nhipai u ipire uptabi ma,
romhuri'wa hã. Taha sisãnawã,
ma tô Pedru po're nhizã. ãne te
taha wamhã duré Pedru sadanha:
— E a hã oriwera wede, 're isimasa
mono ãma, te ai'madã'ã õre di bété.
Tahawa, ma tô duré Pedru hã
tiwi ai'udã. Tiwi si'udã parip si,
ma tô si'a hã awa'awi hã.



Ãne na oto imreme na
sina po're pu'u wamhã,
ma tô watobro rob u,
Pedru hã. Tahawa, te
oto aiwa'õ, sina
pẽ'ẽzé uptabi wa.




Taha pari, ma tō aihīni tiwahutu
za'ra, Zezusi hā te te siwi saprōni
da, Pilatuhu u. Tawamhā Pilatu te
Zezusihi ma tinha, āne: — E a hā,
zudeu norī nhib'apito.

Tahawa, ma tō Zezusi
hā asa tāma tinha, āne:
— Tahata tō ma tō tane
hā ĩāma iwaihu. Pilatu
hā ma tō sima wē, Zezusi


hā apā te te satōrī da.



Tahawa, te ãne duré dama tinha.
Tane nherẽ, damreme 'rãihâ na
te nasi 'mahârâ za'ra ni, ãne:
— Wedepo'o nhonhi'rãmi na,
da te dasiwi sasõmri,
dâ'â da.



Tawamhã da'wapéi'wa norĩ ma,
te oto ti'ru Pilatu hã, wedepo'o
nhonhi'rãmi na te te siwi
sasõmri da, dâ'â da, Zezusi hã.
Tawamhã 'ri nhiti te oto siwi
saprõ, Zezusi hã. Wedepo'o
nhonhi'rãmi hã te sisada ti'â,
Da'rãihi na romnhisi u. Hebreu
norĩ mreme na Gogota na
romnhisi hã.



Tamomo te te siwi ãwisi za'ra wamhã,
wedepo'o nhonhi'rãmi na ma tô oto siwi
sasõ, da'wapéi'wa norĩ hã. Aibã norĩ
wa'wa, ma tô siwi sasõ.


Aibã maparane
te ãma aiwa'aba
zahuré, da te
dasiwi isasõmri
zahuré hã.



Bâdâ sipra wi, ma tô zazahâ hã hâihaipo'o, 'ri 're wa'wa
nhitobzé hã, 'Re ihâimana u'âsi mono nhorõwa ãma
hã. Tahawa, ma tô Zezusi hã Timama ma tinha,
mreme 'rãihâ na, ãne: — Ìmama.

Ãhãta, wa za ãpẽ'ẽzani hã ãma
aima tisõ, asib'rata.

Tawamhã awa'awi ma
pẽ'ẽ hai'utõ oto.



Sabadu u bādâ 're ine mono u, te
zudeu norĩ hã te te sima 're ropese
za'ra, sabadu na hã te te 're
romhuri za'ra mono õ na
dâ'âsina. Tawamhã
sabadu u oto hâiwahâ
wa, romhuri
'rãsutuzéb ãma te
Zuzé hã Pilatuhu
u mo.

Arimatêa ãma te
aré 're hâimana, Zuzé
hã. Zudeu norĩ ma
roti'wa ipire, ta hã.
Tahawa, te nasi si'rã'õtõ,
siré dama roti'wa ipire
za'ra norĩ me.



Zuzé hã, 'Re ihâimana u'âsi mono
da'ãma 're isib'a'uwẽ mono zéb zô,
te 're simipari u'âsi. Tawamhã
romhuri zahârizéb u,
romhuture wa, ma tô
sada aptete Zuzé hã,
Pilatuhi u morĩ da,
Zezusihi hâiba hã
te te tiwi waptẽrẽ

da,

ab're siromo 're, te te
sẽrẽ da. Tawamhã Zuzé
hã zazahã, ma sada
uipra, ihâirã hã.




Taha pari, Zezusihi hâiba hã ma tô oto
si'ra, edepo'o nnonhi'rãmi hawi.

Tawamhã zazahâ ihâirã na
ma ubu. Te te ubu pari, ma
tô ab're 're tisẽ. Sa'a
zahâpâ êtẽ wa, ab're
siromo 're. Taha pari,
te êtẽ tõmo wawẽ
hã te te pizari,
ab're te


te ãma
iré sitob da hã.



Tawamhã oto ãma awẽ wamhã,
sasedoti ipire norĩ hã, duré farizeu
norĩ hã ma tô Pilatuhu
nhorõwa u si'rã'õtõ,
sabadu na romhuri
zahârizém na. Itẽme
si'rã'õtõ wamhã, ãne
te tãma nharĩ
za'ra: . . .



... — Apito, õ hã isadawa nhipe hã
zahadu 're morĩ ré, dama 're
isiwasu'u mono zém na
wa tô ãma wapo're pu'u
za'ra ni, ãhã na hã. ãne
te dama 're siwasu'u:
“Bâdâ si'ubdatõ ããma
si'utõrĩ õ ré, wa za
apâ hãiwa'udu.”
ãne dama 're
isiwasu'u
mono zé hã.



Tawamhã ab're u te oto ai'aba'ré,
da'wapéi'wa norĩ siré. Tawamhã
ětě tōmo zapodo hã,
ab're nhitobzé hã marĩ
na ma tō siwi upto, sitop
tete na iré sab da, da
te dasiwi sa'ré tō da.




Da'wapéi'wa norĩ ma, ma tō
duré roti za'ra, ab're nhitobzéb
'rata simasab da, te te
siwi 'madâ'â u'âsi za'ra
da, sōtō za'ra ãna.



Tawamhã sabadu hawi i'awẽ na
rowa'a wi, dumigu na ma tô Maria
Madaréna norĩ hã sisaprõni
zahuré Mariaha me, sa'a
zahâpâ ab're u, Zezusi
da te isêrêzéb u.


Tawamhã simiza'rese
õ ré, ma tô ti'a hã
iré 're tiwara
zahuré, hâiwa

hawi Wanhib'apito
ma romhuri'wa hã
itême wisi zahuré
wamhã.




Tawamhã hâiwa ãma romhuri'wa hã
ma tô ab're nhitobzé hã sa'ré, êtê
tõmo wawẽ hã. Te te sa'réi
wamhã, ma tô duré isisiwi
nhamra. Tawamhã ab're
'madâ'â'wa norĩ hã
ma tô tipahi za'ra.
Pahi uptabi za'ra
wa, ma tô duré
tirẽrẽ'ẽ za'ra.


Tawamhã ti'ai u
ma tô tãma ana.
Dadâ'â wa, darési
ãna 're idanhimi'wara
mono ne, ma tô rési
ãna daba'wara.



Tawamhã hâiwa ãma romhuri'wa hã
ma tô tãma nharĩ zahuré, pi'õ
norĩ ma, ãne: — Īma aipahi
wa'aba tõi. Zezusi hã da
te dasiwi wĩrĩ wa,
wedepo'o nhonhi'rãmi
na da te dasiwi
isasõmri zõ
robzabui wa'aba
da, te we ane
wa'wa.




Wa hã wa tô aiwaihu'u 'wa, we sô
irobzabui wa'aba mono na hã.
Tane nherẽ, ãme hâimana
õ di. Te te sina irotizéb
zarina ma tô hâiwa'udu.
We ane wa'aba pé,
inomrozé hã sabui
wa'aba da.



Tahawa, te sa'ētē oto asamro zahuré
ab're hawi, pahi te. Pahi zahuré nherē,
tāma rowē zahuré di, pi'ō norĩ ma
hã. Zezusihi siré 're inomro mono
norĩ ma, te te rowasu'u zahuré
da, te asamro zahuré. Tawamhã
sisamroi ré, ma tô Zezusi hã
sōpētē zahuré, pi'ō norĩ hã.




Duré simiza'rese ãna sisamroi ré, ma
sõpêtê zahuré. Tawamhã Zezusi hã ma
tô sawi zahuré, ãne: — Rowẽ na 're
aihâimana aba mono. Tawamhã
pi'õ norĩ hã ma tô oto 'râwi itẽme
aima'wara zahuré. Tinhib'rata
na te te para zawi zahuré sina,
ma tô ãma tiwata zahuré,



tãma pire zahuré wa.





Tawamhã Zezusi hã tisiré 're inomro mono norĩ u
ma duré wi, sai ma, si'ubumroi ré, 11 na ihâiba za'ra
u. Tawamhã timreme ma tô tãma pêtê za'ra, siwi
isabui'wa norĩ nhimirowasu'u hã te te saze za'ra õ
wa, apâ ihâiwa'utuzém na da te iwasu'u na hã.
Wanhib'apito Zezusi hã te te tãma rowasu'u za'ra
pari, ma tô hâiwa u tiwi âri za'ra, 'Re ihâimana u'âsi
mono nhimire niwĩ oto 're sãmra mono da, pire
uptabi na.



'Re ihâimana
u'âsi mono ma, tãma dazawi pese uptabi
wa, ma tô ti'ra hã misi nherẽ, we tisõ,
dazada dâ'â da. Tawamhã i'ra, da te
dasina 're umnhasi za'ra mono wamhã,
dadâ'â ãna te za hãiwa ãma i'rata
're dasi'ubumroi u'âsi.
Ropipa ãma isiti 're
dasi'ubumroi
mono õ
di za.



Roma 3:23

Uburé te dawasété na a'uwẽ mono bâ 're danomro. Tahawa, te 'Re ihâimana u'âsi mono 're imorĩ wẽ uptabi zém nhiti 're dahâimana za'ra, 'râwi da te dasina 're tété waihu'u za'ra mono ãna.

Roma 6:23

Dawasété na si 're idanomro mono zé wa'rãmi, te za dadâ'â u'âsi ne 're dahâimana za'ra dapẽ'ẽ 're, 'Re ihâimana u'âsi mono nhiti. Wanhíb'apito Cristu Zezusihi ãma si 're danomro mono wapsi, te za 'Re ihâimana u'âsi mono hã sôpru wa, te te dama 're apisutu, i'rata 're idahâimana u'âsi za'ra mono zéb da hã, asa tãma 're idasiwa'âbâ za'ra mono zéb zô, sina 're simnhasi mono ãna.



Hebreu 9:27

Misi haré te za aihĩni 're dadâ'â za'ra. Taha parip si te za 'Re ihâimana u'âsi mono hã niwapsi da'awaihu'u, dawẽ na duré dawasété na zama, taha zarina te te oto dama 're arowairébé mono da hã.

Éfézu 2:8,9

'Re ihâimana u'âsi mono te te 're asawi pese za'ra wa'aba mono zéb zarina, ma tô asõ'reptu za'ra wa'wa, Wa'anho'reptui'wa hã asina 're i'umnhasi za'ra wa'aba mono zéb zarina. Asi'uihâ na 're asisõ'reptui waihu'u za'ra wa'aba mono õ di. Sõpru wa, ma tô Wamama hã aima ãma uwaimrami za'ra wa'wa, asõ'reptu za'ra wa'aba zém na hã. Marĩ hã ahâ na 're 'manharĩ wẽ za'ra wa'aba mono nherẽ, taha zarina te te 're asõ'reptu za'ra wa'aba mono õ di za 'Re ihâimana u'âsi mono hã, 'râwi asi'ãma wa'aba 're ai'maiwata aba mono tõi da, asi'uihâ na asi'manho'reptui wa'aba mono dai õ wa.



Roma 10:9,10

Zezusi hã Asib'apito uptabi na, asadawa na danho'a 're sisi za'ra wa'aba mono wamhã, duré 'râwi aipẽ'ẽ 're, 'Re ihâimana u'âsi mono, Zezusi te te ihâiwa'utuzém na, 're sazei pese za'ra wa'aba mono wamhã, tawapsi te za te te 're asõ'reptu za'ra wa'wa, 'Re ihâimana u'âsi mono hã. Zezusi hã wapẽ'ẽ 're, wa te wasina 're i'umnhasi za'ra mono zém na, 'Re ihâimana u'âsi mono hã te te 're iwa'awěsãmri mono zé hã. Zezusi hã Wanhíb'apito na danho'a, wa te dama 're isisi za'ra mono zém na, 'Re ihâimana u'âsi mono te te 're iwa'anho'reptui mono zé hã.



Zuwã 3:16,17

'Re ihâimana u'âsi mono ma, tãma dazawi pese uptabi wa, ma tô ti'ra hã misi nherẽ, we tisõ, dazada dâ'â da. Tawamhã i'ra, da te dasina 're umnhasi za'ra mono wamhã, dadâ'â ãna te za hâiwa ãma i'rata 're dasi'ubumroi u'âsi. Ropipa ãma isiti 're dasi'ubumroi mono õ di za. 'Re ihâimana u'âsi mono ma tô ti'ra hã we satõ ti'ai u, te te 're da'anho'reptui mono da. Te te 're da'ahâ za'ra mono da, we te te satõrĩ õ di.



1 Zuwã 5:11-13

E niha 'Re ihâimana u'âsi mono hã, ti'ra te te dama 're iwaihu'u mono zé hã. Ta hã ma tô te te wama 're apisutu, i'ra wazada idâ'âzém na ãma 're iwanomro u'âsi mono zéb da hã. Ni'wam norĩ hã 'Re ihâimana u'âsi mono 'ra siré, 'râwi 're nomro mono wamhã, ta norĩ hã te za dâ'â ãna 're hâimana u'âsi za'ra, 'Re ihâimana u'âsi mono 'rata. Tane nherẽ, ni'wam norĩ hã 'Re ihâimana u'âsi mono 'ra siré 're nomro mono õ wamhã, ta norĩ hã i'rata dâ'â ãna 're hâimana u'âsi za'ra mono õ di za. E marĩ da, wa ãne aima rob'ui'ééré za'ra wa'wa, 'Re ihâimana u'âsi mono 'ra, asina 're i'umnhasi za'ra wa'aba mono norĩ ma. Aipẽ'ẽ 're, atâ'â ãna 're anomro u'âsi aba mono zém na sena na asina waihu'u pese za'ra wa'aba da, wa ãne aima rob'ui'ééré za'ra wa'wa.



Mateu 26-28; Luca 22-24; Zuwã 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Xavabte Bible (xav) © 2011, Wycliffe Bible Translators, Inc.
All rights reserved.

<https://www.bible.com/bible/683/GEN.1.XAVBP>

<https://live.bible.is/bible/XAVTBL/MAT/1>

©2026 Bible for Children, Inc.

www.M1914.org

www.bibleforchildren.org

